



Väin da räuh jooul

Jooul lij räuh da räähkkesvuõđ präähznik. Tõnt tobddai keähnan, što tän jooul vue'Inn Isõs šõddämpäi'kest lij jättjam väinn. Väinn vuäžžai aalgâs gu Hamas terroriist kõrmme ruâššânji takaioummi puõtt Israeelâst. Vanggân valddum oummi jie'llem vä'ldd čâđđmest.

Israel lij va'sttääm da pommtam vuâstta vuõiggâdvuõttlânji da fi'tjemnalla. Tõn seu'rrjõssân väin kõ'skķe liâ jouddâm Gasast jeä'lsteei takaioummu, koin i'lla vue'zz terroristt-tuâjaid. Vue'kk lij luudskainalla samai vaikkat.

Vuu'dest jeä'lsteei oummu taarbše porrmõõžž da čää'cc, talkksid da suejj.

Heärr, ää'rmet oummid väin vue'Inn. Puu't räuh väin kõ'skķe. Cooun tuäiv, što pukid keähnasvuõđid vuäitči suâppâd da kue'dđed tuâgga.

Pää'ss jânmmest jää'ttmen äärrai väinn ij kuuitâg tuejjed tu'sšen jooul luând räuh präähznken. Tät vue'kk vääj pâi pââ'jded kriistlaž jooul miârkktoõzz. Tõn, što Kristõs, Vuâspå'd Pä'rnn, šõõddi ooumžen jie'lled oummu jie'llem da kiõrdäd oummu pa'ldde. Vuâspå'd puõ'di Isõõzzâst ooumžen peälsted mi'jjid, gu son rä'ksti ooumažkââ'dd nu'tt jiännai. Vuâspå'd ij kue'd mi'jjid, gu son jäätt mijvui'm še seu'nges poodd.

Heärr, puu'd jooul mij čâđđmid. Uu'd Kristõs pue'tted mij jie'llem seu'ngesvuõ'tte, čuõvvân mi'jjid. Lääi'vet veä'lsteei miõleen da cooun mee'st mie'ttkâmm kuei'meen puõtt.

Väinn pää'ss jânmmest juätkkai äävas väinnan le'be cõ'kktee'jen konfliktân vuei'tlvõ'žžen veäl kuu'kk. Konfliktt histor lij ään ju'n čuu't ku'kk. Konfliktt kai'bbai räahuhtuejje'jid da suävtõõlli šâddvuâđ meeri jää'dtee'jin. Härvv mee'st pâstt vaikkted maai'lm kriisid, leša kuuitâg vuei'ttep juõ'kk'kaž tuejjeed jiännai. Vuei'ttep raajjad räuh jiiijan aarg kõ'skķe, juõ'kkpeivsvaž kaaunõõttmõõžžin. Juõ'kkka šiõttlõõvmmõõžžâst lij miârkktoõs.

Tän jooul tuäivvan da molldõõzzân lij, što jooul saakk räuhast da tuäivast Isõs Kristõõzzâst cåunn mi'jjid ođđ räähkkesvuõ'tte kuei'meen puõtt.

Heärr, tõn kää'tt Kristõõzzâst puõ'ttik villjân mij pa'ldde. Uu'd mi'jjid jooulräuh. Puu't räuh tääzz tuu ceälai maai'lma. Amen.

Oulust adve'ntt ääi'j pue'ttmen 2023

Jukka Keskitalo
Oulu aa'rhelkââ'dd pispp